

Innuttaasut peqqissutsikkut sullinneqarsinnaanissaat anguniarlugu cubameersuni peqqinnissaqarfimmi sulisunik sulilersitsiniaanissamut uliniutunitsinneqarallarsimasoq aallarnisaqqinnissaa anguniarlugu Naalakkersuisutpeqquneqarnissaanik Inatsisartut aalajangiiffigisassaattut siunnersuut. Aallarnisaanissaq 2022 naatinnagu pissaaq.
(Inatsisartunut Ilaasortaq Anna Wangenheim, Demokraatit)

Akissuteqaat

(Peqqissutsimut Naalakkersuisoq)

Aappassaaneerneqarnera

Naalakkersuisut Ilaqutariinnermut Peqqissutsimullu Ataatsimiititaliaq aalajangiiffigisassatut siunnersuummik suliaqarnermut atatillugu sulilluarsimaneranik qutsavigaat.

Naalakkersuisut maluginiarpaat ataatsimiititaliami amerlanerussuteqartut tunniussinissamik piffissaliinertalimmik allannguutissatut siunnersuummik nassiussisimanerat. Naalakkersuisut ataatsimiititaliap aalajangigaa tusaatissatut tiguaat ataatsimiititaliallu allannguutissatut siunnersuutaa akuerineqarnissaa inassutigalugu.